

մանակի անդադար մարտ պատերազմի էր 'ի մէջ Ասիոցեաց և Եւրոպացեաց և ամենայն կարեւոր տեղիք ամրափակեալ էին : Եւ ապա պաշարեաց զքաղաքն Տիւրոս , եւ հատեալ զծառատունիս , մեքենայիւք արկանէր 'ի ներքս : Իսկ ամրականք քաջութեամբ ընդդէմ կացեալ գործեցին վնաս մեծ 'ի զօրս Սուլթանին , և 'ի ծովամարտի գերի վարեցին գտորմիզս նաւաց , որոյ վասն խոցեցաւ նա 'ի սիրտ և 'ի հոգի , եւ անճարացեալ դաշինս եղ ընդ իշխանին Անտիօքայ , արձակել նորա զիսլամ գերիսն եւ թոյլ առնել զինոց ամիսս 8 . և ինքն դարձաւ 'ի Պաղոմայիս 'ի ձմերել եւ 'ի դարմանել զօրս , յորոց բազումք վիրաւորեալ էին : Զմի մասն ապարանից տաճարական ասպետաց 'ի քաղաքին կարգեաց բնակարան զիտնականաց , և զմի մասն 'ի դպրոց , եւ զտուն եպիսկոպոսին հիւանդանոց :

Գուժ առման Երուսաղէմի դըրդեալ սարսեաց զհամայն Եւրոպա . կաթուածահար մեռաւ պապն Հռոմայ Ուրբանոս Գ . և յաջորդք նորին Գրիգոր Ը . և ապա Կղեմես Գ . յորդորեցին զկայսրն Ալմանիոյ Ֆրէտէրիկ շիկամօրուս (պարպրուս) . զթագաւորն Գաղղիոյ Ֆիլիպ Օգոստոս , զթագաւորն Անգղիոյ առիւծատիրտն Ռիչարտ , և զամենայն ազնուականս և զկղերս եւ զայլս , որոց վստահ էին 'ի քաջութիւնս բազկի իւրեանց , վերստին առնուլ զէն վասն ազատութեան Ս . Գերեզմանին Քրիստոսի :

Լուեալ Սալահատտինի զայսպիսի պատրաստութիւն Լատինաց և զանհամար բազմութիւնս նոցա , որք դիմեալ գային 'ի վերայ իւր ընդ ծով և ընդ ցամաք , զարհուրեցաւ յոյժ , եւ գրեաց աղերսանօք առ նասրիտտին Սալիֆայն Պաղտատի և խնդրեաց 'ի նմանէ ձեռն օգնութեան . այլ նա ոչ միայն անտես արար զխնդիր նորա , այլ և պատասխանեց անգամ չարար արժանի , որոյ վասն բովանդակ զօրութիւն նորա յեց եկաց 'ի զօրս Եգիպտոսի , Ասորեաց և Քրդաստանի :

Այլ վասն գալատեան Սաջակրաց բազմութեամբ յարեւելս առաջնորդութեամբ Ֆրէտէրիկ կայսեր Ալմանիոյ , և որդւոյ նորին համանուն հօր իւրոյ Ֆրէտէրիկի , զոր սմանք Կոնրատոս ասացին , գրելոյ թուղթ Կղեմէսի Գ . պա-